

四庫全書

子部

欽定四庫全書

子部

玉海卷一百五十九

詳校官中書臣張經田

主事臣祁韻士覆勘

總校官進士臣朱 鈴

校對官編修臣蕭九成

謄錄監生臣朱文佐

欽定四庫全書

王海卷一百五十九

宋 王應麟 撰

宮室

殿

上

說文堂之高大者 周益公曰宮室取諸大壯貴賤
可以通稱特崇庳廣狹有別耳秦孝公強盛時大築
冀闕由是天子殿名初見商子定分篇臣侍殿上兵

陳殿下後載史記荆軻傳

又莊子說劍云入殿門不趨

大抵秦制

也至始皇併天下殿屋相屬又作甘泉前殿然後殿

之名始立

漢黃霸丞相府計吏上殿東漢司徒府

有大會殿蓋車駕或臨幸會議於此而有殿名非專

指屋之高嚴也

燕禮當東雷注人君為殿屋也疏曰漢時殿屋四向流水故舉漢以况周

文選注魏武集荀欣等曰漢制王所居曰禁中諸公所居曰省中

漢武臺殿

李陵傳天漢三年召見武臺注師古曰未央宮有武臺

殿三輔舊事武帝於未央宮起高門武臺殿 翼奉

傳孝文時未央宮無武臺殿

漢魯靈光殿

東海恭王彊傳初魯恭王好宮室起靈光殿甚壯麗是時猶存故詔彊都魯注恭王名餘景帝之子殿在今兗州曲阜城中故基東西二十丈南北十二丈高丈餘王延壽遊魯國作靈光殿賦恭王始都下國好治宮室遂因魯僖基兆而營焉遭漢中微自西京之殿皆見隳

壞而靈光歸然獨存豈非神明依憑支持以保漢室然其規矩制度上應星宿亦所以永安也奚斯頌僖歌其路寢云云立靈光之秘殿配紫微而為輔承明堂於少陽昭列顯於奎之分野規矩應天上憲觜陬雲築藻枕龍桷雕鏤據坤靈之寶勢承蒼昊之純殷窮奇極妙棟宇已來未之有兮神之營之瑞我漢室永不朽兮 唐元稹曰魯共王餘畫先賢於屋壁以自警

漢前殿

見未央宮甘泉宮洛陽南宮北宮宣室 周曰路寢漢
曰前殿 樂志凡鼓八員朝賀置酒陳前殿房中 朱
博傳拜於前殿延登受策 揚雄傳甘泉賦前殿崔巍
兮和氏瓏玲抗浮柱之飛棟兮神莫莫而扶傾 後律
志天子以冬夏至御前殿 史記秦始皇營作朝宮渭
南苑中先作前殿

漢承明殿 承明廬 著作庭 魏承明門
翼奉傳孝文時未央宮獨有承明 霍光傳皇太后迺

車駕幸未央承明殿 嚴助傳為會稽太守數年不聞
問賜書曰君厭承明之廬勞侍從之事故出君為郡吏
注張晏曰承明廬在石渠閣外直宿所止曰廬 楊雄
傳孝成時有薦雄文似相如者召雄待詔承明庭注師
古曰承明殿在未央宮 成紀鴻嘉二年三月雉集承
明殿注在未央宮中 黃圖未央宮有承明殿著述之所也
西都賦又有承明金馬著作之庭大雅宏達於茲為羣
啓發篇章校理秘文 文選魏曹子建詩謁帝

承明廬注陸機洛陽記承明門後宮出入之門張公云
魏明帝作建始殿朝會皆由承明門 魏應璩詩三入
承明廬注直廬在承明門側璩為侍郎常侍侍中

漢高門殿

列傳汲黯請間見高門注晉灼曰三輔黃圖未央宮中
有高門殿 鮑宣為諫大夫上書陛下擢臣巖穴豈徒
欲使臣美食大官重高門之地哉宣又言高門去省戶
數十步求見出入二年未省注晉灼曰高門殿名也師

古曰在未央宮中 翼奉上疏曰孝文時未央宮無高門殿 三輔舊事武帝於未央宮起高門武臺殿

漢猗蘭殿

文選注漢武故事武帝以乙酉年七月七日旦生於猗蘭殿又見洞冥記景帝坐崇芳閣見赤氣如林來蔽戶牖乃改閣為猗蘭殿

漢奇華殿 承華殿 承光殿

見建章官

黃圖奇華殿在建章宮旁四海夷狄器服珍寶火浣布

切玉刀巨象大雀師子宮馬充物其中 漢武故事
七月七日上於承華殿齋正中忽有一鳥從西方來
集殿前東方朔曰此西王母欲來也有頃王母至二
青鳥夾侍 文選注潘岳關中記曰未央殿東有鴛

漢玉堂殿

揚雄傳解嘲歷金門上玉堂注晉灼曰黃圖有大玉堂

小玉堂殿

漢宮閣名曰長安有玉堂殿銅柱殿

李彝傳父汎玉堂注師古

曰玉堂殿在未央宮

選注引
黃圖同

翼奉傳上疏曰孝文時未

有玉堂殿

至武帝
有之

谷永傳抑損椒房玉堂之盛寵注

玉堂嬖幸之舍

黃圖玉堂殿在未央宮殿西漢書建

章宮南有玉堂壁門玉層臺高三丈玉堂殿內十二門

階陛皆玉為之鑄銅鳳高五尺飾黃金柄屋上下有轉樞

向風若翔椽首薄以璧玉飾之因名曰璧門

又建章有玉堂
與未央前殿等

去地十二丈
凡基皆用玉 西都賦金華玉堂 西京賦神仙長年宣室

玉堂麒麟朱鳥龍輿含章

殿名皆

譬衆星之環極云云

靈帝紀中平三年復修玉堂殿鑄銅人四黃鍾四及天
祿蝦蟆 洛陽宮殿名有玉堂前後殿

漢函德殿

宣紀神爵元年三月詔曰迺元康四年嘉穀元稷降于
郡國神爵仍集金芝九莖產于函德殿銅池中 黃圖
建章宮有函德等二十六殿

漢鳳皇殿

又見未
央宮

溫室殿

見室
類

郊祀志宣帝幸河東之明年

神爵
二年

正月鳳皇集祋祤於

所集處起步壽宮間歲鳳皇神爵甘露降集京師其冬

四年

十二月鳳皇又集上林迺作鳳皇殿以答嘉瑞明年正月改

元五鳳宣帝時鳳皇下郡國凡五十六所 翼奉傳孝文

時未央宮無高門武臺麒麟鳳皇白虎玉堂金華之殿

黃圖未央宮有鳳皇飛羽通光等殿 關中記未央殿東

有鳳皇殿鴛鸞殿 西京賦鳳皇鴛鸞注皆後宮別名

漢白虎殿

杜欽傳

兼成紀
谷永傳

建始三年冬十二月舉直言極諫之士

四年夏四月復召直言之士杜欽谷永詣白虎殿對策
注師古曰此殿在未央宮中 王商傳河平四年

紀春正月

單于來朝引見白虎殿丞相王商坐未央庭中單于拜
謁商起離席與言單于仰視商貌大畏之遷延却退天
子聞而歎之曰此真漢相矣 翼奉傳文帝時未央宮

又無高門武臺麒麟鳳皇玉堂白虎金華之殿獨有前
殿曲臺漸臺宣室溫室承明耳 外戚傳成帝時楚梁
王來朝明旦當辭去上宿供張白虎殿 王莽傳大置

酒未央宮白虎殿勞賜將帥自前殿南下椒除西出白虎門

桓子新論

與揚子雲奏事坐白虎殿廡下

選注之

黃圖未央宮有白虎殿廟記云未央宮有白虎閣

西都賦白虎麒麟後廣平王羨傳建初四年羨與諸

儒講論於白虎殿

此後漢殿在東都漢家右文之地

兩都襲其名蓋又後漢甘泉有白

觀虎

漢昭陽殿

曲臺殿

見臺類

飛羽殿

西都賦昭陽獨盛隆於孝成屋不呈材牆不露形注昭

陽殿名 趙后傳皇后既立寵少衰而弟絕幸為昭儀

居昭陽舍其中庭彤朱而殿上髹漆砌皆銅沓冒黃金

塗白玉階壁帶往往為黃金釭函藍田璧明珠翠羽飾

之自後宮未嘗有焉又見
後宮

元后傳饗飲飛羽或作雨
注

飛羽殿在未央宮中

漢金華殿

叙傳成帝時大將軍王鳳薦班伯宜勸學召見宴昵殿

親戚宴飲會同之殿拜為中常侍時上方鄉學鄭寬中張禹朝夕

入說尚書論語於金華殿中詔伯受焉數年金華之業絕翼奉傳孝文帝時未央宮無金華殿黃圖未央宮有金華殿西都賦金華玉堂注黃圖曰未央宮有金華殿大玉堂殿

漢紫殿

成紀永始四年春正月行幸甘泉郊泰畤神光降集紫殿西京雜記成帝設雲帳雲幄雲幕於甘泉紫殿世謂三雲殿張臨登閣殿

漢麒麟殿

董賢傳上置酒麒麟殿賢父子親屬宴飲 翼奉傳孝文時未央宮無麒麟殿 西都賦白虎麒麟注黃圖在未央宮 西京賦麒麟朱鳥龍興含章殿皆名譬衆星之環極

漢明光殿

詳見宮類

漢官儀尚書奏事於明光殿省中以丹朱漆地故曰丹墀尚書伏其下奏事黃門侍郎揖疏受事 三秦記桂

宮中有明光殿皆金玉珠璣為簾箔金阤玉階晝夜光明 唐樊鑄有明光殿粉壁賦

漢清涼殿 延清室

黃圖清涼殿夏居之則清涼也亦曰延清室漢書曰清

室中夏含霜即此

見七啟云
漢書誤

西都賦清涼宣溫注黃

圖曰未央宮有清涼殿 許昌宮賦

魏 卡
蘭

有望舒涼室

羲和溫房 彼避暑九成而忘其親生涼殿閣而忘其民心移於物賢君所當戒也

漢臨華殿

成紀永始四年四月癸未長樂臨華殿未央宮東司馬門災

漢百官朝會殿

司徒府大會殿

詳見朝儀類

周禮槁人掌共外內朝寃食者之食注外朝司寇斷獄讞訟之朝也今司徒府中有百官朝會之殿云天子與丞相舊決大事焉是外朝之存者與朝士掌建邦外朝之灋注今司徒府有天子以下大會殿亦

古之外朝

漢正義云以法說之

小宗伯凡王之會同軍旅甸

役之禱祠肆儀為位注謂若今時肆司徒府也小宗

伯主其位

黃霸傳張敞奏曰丞相請雜問郡國上

計長吏其對有舉孝悌者為一輩先上殿

師古曰丞相所坐屋

也舉而不知人數者次之不為條教者在後

西都賦朝堂百

僚之位蕭何謂而謀謨其上

百官志云云注司徒司空三府光觀

壯麗古今注曰永平十五年更作太尉司徒司空府

開陽城門內蔡質漢儀曰司徒府與蒼龍闕對厭於

尊者不敢號府應効曰不然丞相舊位在長安時府
有四出門隨時聽事明帝欲依之迫於太尉司空但
為東西門耳國每有大議天子車駕親幸其殿殿西
王侯以下更衣併存每歲州郡聽採長吏臧否民所
疾苦還條奏之是謂舉謠言舉謠言者掾屬令史都
會殿上主者大言某州郡行狀周禮有外朝干寶注
曰禮司徒府中有百官朝會殿與鄭注同律歷志熹平
四年馮光陳晃言歷元不正乙知詔書下三府與儒

林明道者詳議以羣臣會司徒府議注蔡邕集載三月九日百官會府公殿下東面校尉南面侍中郎將大夫千石六百石重行北面議郎博士西面戶曹令史當中坐而讀詔書公議蔡邕前坐侍中西北近公卿與光晃相難問是非焉 趙壹傳光和元年司徒袁逢受計計吏數百人皆拜伏庭中 耿秉傳每公卿會議常引秉上殿訪以邊事多簡帝心 漢未央之內為內朝未央之外為治朝司徒府大會殿為外

朝 晉令有朔望集公卿於朝堂而論政事

漢却非殿

光武紀建武元年冬十月癸丑車駕入洛陽幸南宮却
非殿遂定都焉注雒陽宮閣名有却非殿洛陽故宮名曰洛陽有却

非門

漢宣德殿

馬援傳建武四年冬竇使援奉書洛陽援至引見於宣

德殿

東觀記曰敕令中黃門引入時上在宣德殿南廡下袒幘坐

世祖迎笑謂援曰

云云又援鑄馬式上之詔置於宣德殿下 黃圖未央

宮有宣德殿

此保
西京

王閻帶劍至宣德殿後闈

漢陽明殿

會稽典錄嚴遵字子陵建武五年詔召遵設樂陽明殿

命宴會暮留宿其夜客星犯天子宿 隸釋國三老袁良
碑云

拜梁相帝御
九龍殿引對

漢南宮前殿

光武紀建武十四年正月起南宮前殿 五行志南宮

長秋和歡殿

漢邯鄲溫明殿

耿弇傳光武居邯鄲宮畫卧溫明殿弇入造牀下請問
注趙王如意之殿也故基在今潞州邯鄲縣內

漢德陽殿

賀朝

禮儀志每月朔歲首為大朝受賀儀夜漏未盡七刻鐘
鳴受賀及贊公侯璧中二千石二千石羔千石六百石
鴈四百石以下雉百官賀正月二千石以上上殿稱萬

歲舉觴御座前司空奉羹大司農奉飯奏食舉樂百官受賜宴饗大作樂其每朔惟十月旦從故事者高祖定秦之月元年歲首也注蔡質漢儀曰正月旦天子幸德陽殿臨軒公卿將大夫百官各陪朝賀蠻貊胡羌朝貢畢見屬郡計吏皆陞覲庭燎宗室諸劉雜會萬人以上大官賜食酒御史四人執法殿下虎贲羽林弧弓撮矢陛戟左右戎頭幅脰啓前向後左右中郎將住東西羽林虎贲將東北五官將中央悉坐就賜作九賓徹樂鐘

磬並作樂畢作魚龍曼延小黃門吹三通謁者引公卿
羣臣以次拜罷德陽殿周旋容萬人陞高一丈皆文石
作壇激水殿下畫屋朱梁玉階金柱刻鏤作宮掖之好
廁以青翡翠一柱二帶韜以赤緹天子正旦節會朝百
僚于此

維陽宮閣簿云南北行七丈東西行三十七丈四尺

晉樂志鐸舞歌幡

舞歌各一篇鼓舞伎六曲並陳於元會後漢正旦天子
臨德陽殿受朝賀

晉禮志漢武帝雖用夏正至於十月朔猶常享會大作樂如元正之儀

其儀後漢志

鍾離意傳德陽殿成百官大會明帝思意言謂公卿曰
鍾離尚書在此殿不立注漢宮殿名北宮中有德陽殿
明帝紀永平八年十月北宮成 孔僖傳延光元年河西大雨雹安帝

召孔季彥見於德陽殿親問其故 順紀孫程等迎濟

陰王順帝於德陽殿
注漢官儀曰崇賢門內 西鍾下即帝位近臣尚

書以下從輦到南宮登雲臺召百官 黃瓊傳永建三

年上疏順帝書奏引見德陽殿使中常侍以瓊奏書屬
主者施行 周舉傳陽嘉三年河南三輔大旱五穀災

傷天子親自露坐德陽殿東廂請雨 桓紀建和二年

德陽殿火 洛陽宮閣疏偃師去宮四十三里望朱雀

五闕德陽其上鬱律與天連 東京賦逮至顯宗既新

崇德遂作德陽注崇德在東德陽
在西相去五十步啓南端之特闔立應

門之將將其內則含德章臺天祿宣明溫飭迎春壽安

永寧八殿名飛閣神行莫我能形 李尤德陽殿賦曰開

三階而參會錯金銀於兩楹入青陽而窺總章歷戶牖
之所經連璧組之爛漫雜虬文之婉延爾乃周閣迴市

峻樓臨門朱闕巖巖差峩槂雲青瑣禁門廊廡翼翼達

蘭林以西通中方池而特立又銘曰皇穹垂象以示帝

王紫微之側洪誕彌光大漢體天承以德陽崇高弘麗

包受萬方內總朝貢外供遐荒

餘見北
宮洛宮

漢宣明殿

桓郁傳遷侍中

永平十四年

帝自制五家要說章句令

郁校定於宣明殿注華嶠書曰殿在德陽殿後東觀記

曰其冬上親於辟雍自講所制五行章句

樊儻傳引

見宣明殿

又永平二年廣陵王荆引見宣明殿

漢宣平殿

張純傳子奮嗣爵歸國永平十年奮耳降附奮來朝上壽引見宣平殿顯宗以為侍祠侯

漢崇德殿

安帝紀太后御崇德殿拜帝為長安侯注洛陽宮有崇德殿蔡邕傳靈帝詔邕與楊賜馬日磾張華單颺詣金商門引入崇德殿就問災異注洛陽記曰南宮有崇

德太極殿西有金商門 東京賦既新崇德遂作德陽
注皆殿名崇德在東德陽在西相去五十步 河南志
崇德殿明帝永平中置

漢安福殿

黃香傳肅宗時召詣安福殿言政事拜尚書郎 東京
賦於南則前殿雲臺和歡安福注二殿名並在德陽殿
南 又有承福殿見順帝紀又有黃龍千秋萬歲殿見五

漢章臺殿 雲臺殿

馬防傳馬鉅為常從小侯肅宗以鉅當冠親御章臺下
殿陳鼎俎自臨冠之 和帝紀兼魯恭傳永元九年八月飲

酌齋會章臺詔小黃門特引見議郎魯恭 宦者傳靈

帝鑄四鍾皆受二千斛懸於玉堂及雲臺殿前 東京

賦含德章臺

薛綜注 殿在應門之內

於南則前殿雲臺

張銑注 殿名

揚雄傳藺生叔功於章臺注晉灼曰相如獻璧此臺

漢嘉德殿 九龍殿

虞詡傳鄧太后以詡有將帥畧遷武都太守引見嘉德

殿

朱良碑云帝御九龍殿引對

順紀幸嘉德殿遣侍御史叔闇顯

孝仁后紀居南宮嘉德殿宮稱永樂五行志延熹

四年南宮嘉德殿火楊賜傳光和元年有虹蜺晝降

于嘉德殿前帝引賜及蔡邕等入金商門問以災異注

洛陽記云殿在九龍門內戴延之西征記云太極殿西

有金商門

西漢宮殿名正殿名曰明德本名嘉德

東京賦九龍之內實

曰嘉德注九龍本周時殿名門有三柱柱有三龍皆銅

嘉德殿名在九龍門內

在南宮

洛陽有却非殿銅馬敬

法清涼鳳凰嘉德黃龍壽安殿竹殿

魏青龍三年八

月復崇華殿改名九龍殿

陳有嘉德殿學士

漢壽安殿 敬法殿

梁后紀陽嘉元年春有司奏立長秋宮乃於壽安殿立

貴妃為皇后注壽安是德陽宮內殿名

東京賦壽安永寧

東

觀漢記明德馬后在敬法殿東廂

王莽傳有敬法

閩注師古曰敬法殿名 洛陽宮名曰洛陽有敬

法門

漢顯親殿

周舉傳順帝永和元年災異數見省內詔召公卿中二千石尚書詣顯親殿問以災異舉對曰云云又召舉於顯親門問以災眚

漢華光殿

楊賜傳建寧初靈帝當受學詔太傅三公選通尚書桓君章句夙有名者三公舉賜侍講于華光殿注洛陽宮

殿名曰華光殿在崇光殿北 劉寬傳靈帝初召拜太中大夫侍講華光殿遷侍中賜衣一襲注洛陽宮殿簿云殿在華林園內 梁有華光殿武帝命羣臣賦詩

漢章德殿

竇后紀見於北宮章德殿 清河王慶傳帝移幸北宮章德殿 禮儀志云云注建寧四年七月乙未立宋皇后儀章德殿臨軒

魏景福殿

太極殿

文昌殿

九龍殿又見

明帝紀太和六年九月治許昌宮起景福承光殿青龍
三年八月丁巳行還洛陽宮命有司復崇華殿時郡國
有九龍見改名九龍殿 水經注許昌城內有景福殿
基魏明帝太和中造元和志在故城西南隅 魏明帝上法太極於
洛陽南宮起太極殿于漢崇德殿之故處魏武封於鄴
為北宮宮有文昌殿 南齊禮志魏武都鄴正會文昌
殿用漢儀又設百華燈魏文修洛陽宮室權都許昌宮

殿狹小元日於城南立氈殿青帷以為門 何晏韋誕

夏侯惠有景福殿賦 文選何平叔

晏賦立景福之祕

殿備皇居之制度

溫房涼室開
建陽啟金光

注洛陽宮殿簿曰

許昌宮景福殿七間

魏都賦造文昌之廣殿極

棟宇之宏規注正殿名

張遼傳黃初二年文帝引

遼會建始殿

楊阜傳明帝新作許宮又營洛陽宮殿

觀閣阜上疏曰堯尚茅茨而萬國安其居禹卑宮室而

天下樂其業及至殷周或堂崇三尺度以九筵耳 洛

陽宮殿簿有魏太極九龍芙蓉九華承光諸殿漢晉春

秋有景福聽政諸殿

戴延之西征記太極殿上有金井欄金博山金輶轡蛟龍負山於井

上火有金師子在龍下華廷舊洛陽記太極殿有四金銅柱

魏百子殿

文選景福殿賦遂及百子後宮攸處注韋誕景福殿賦曰美百子之時居嘉休祥之令名毛詩箋云太姒十子衆妾則宜百子殿名蓋取於此唐錢起詩有百子殿

吳神龍殿

建康宮殿簿太初宮中有神龍殿去縣三里左太冲吳都賦云抗神龍之華殿是也赤烏殿在縣東北五里吳昭明宮內制度上應星宿吳都賦云飾赤烏之暉暉宋於臺城立正福清曜等殿陳永初中起昭德嘉德壽安乾明有覺等殿

晉太極殿

帝紀武帝受禪即洛陽宮幸太極前殿太康元年五月

臨軒大會於太極殿

擎虞決疑要注太極殿乃有陞山謙之丹陽記太極殿周制路寢

也秦漢曰前殿魏號正殿為太極

懷帝即位始遵舊制臨太極殿使

尚書郎讀時令 元帝時有司嘗奏太極殿廣室施絳帳帝曰漢文集上書早囊為帷遂令冬施青布夏施青

練帷帳 穆帝永和元年正月甲戌朔皇太后設白紗

帷於太極殿抱帝臨軒 簡文帝百官進太極前殿具

乘輿法駕奉迎帝於會稽邸 山簡傳秦始初黃門侍

郎王恂庾純始於太極東堂評尚書奏事 王獻之傳

太元中新起太極殿欲使獻之題榜云云 禮志咸康

二年拜皇后帝御太極殿羣臣畢賀建元元年詔曰所
以正法服升太極者敬其始故備其禮 梁天監十二
年二月辛巳新作太極殿三月庚子成改為十三間從閏數 陳
永定二年七月起太極殿 後周天和中沈重於紫極
殿講三教義

晉崇正殿

文選潘安仁詩曜藻崇正注太子之宮也臧榮緒晉書
曰太子講孝經於崇正殿

晉延恩殿

南史晉朝宴所臨東西二堂而已孝武末年清暑方建
宋永初所居唯稱西殿及孝武更造正光玉燭紫極諸
殿雕欒綺節珠窻網戶

後周麟趾殿

列傳鮑宏明帝列為麟趾殿學士 蕭大圜開麟趾殿
招集學士大圜預焉 宗懷與王褒等在麟趾刊定羣

書

唐武德殿

高祖紀高祖入闕義寧元年十一月甲子以武德殿為丞相府 會要武德四年八月一云九月癸亥賜五

品已上射於武德殿貞觀五年三月三日癸賜

文武五品以上射於武德殿九月乙六年三月

三日丙辰賜羣臣大射於武德殿 魏王泰傳太

宗命泰入居武德殿侍中魏徵言王為愛子不可使居嫌疑之地帝悟乃止諫錄云移魏王於武德殿院

許敬宗傳待詔太極殿西闈顯慶元年奉詔於
武德內殿撰東殿新書龍朔元年上百官志永徽

中命弘文館學士一人日待制于武德西門

玄宗紀延和元年即先天元年七月壬辰睿宗制皇

太子宜即皇帝位皇太子乃御武德殿八月庚

子即位已酉吐蕃遣使朝賀宴武德殿設太常四部樂于庭六典太極

殿左曰虔化門虔化門之東曰武德西門其內
有武德殿延恩殿兩京記武德殿在西內乾

化門東北

一云在乾化門之東近北
一云在太極殿東

長安志西內

乾化之東曰武德西門其內則武德殿在甘露殿

之東 南史梁武帝錢魏中山王元畧於武德殿

賦詩 隋志開皇十二年十一月甲子百僚大射

於武德殿十九年正月戊寅大射武德殿宴賜百

官

唐太極殿

詳見太極宮

會要武德元年五月二十一日改隋太興殿為太極殿

昭陽門為順天門 紀高祖武德元年五月甲子即位

太極殿太宗貞觀三年四月甲午始御太極殿玄宗開

元五年正月癸卯遷太廟神主于太極殿己酉享于太

極殿

順憲穆敬並
即位于太極殿

舊紀武德元年五月丁卯宴

百官于太極殿賜帛有差開元八年皇太子加元

服正月丙寅會百官于太極殿 會要太宗御太極

殿召文武六品已上告立晉王為太子羣臣稱慶永徽

二年八月二十九日詔五日一度太極殿視事

六年正月丙子

賀受朝

禮樂志皇帝致齋設御幄於太極殿西序及室

內四夷來朝設御幄於太極殿南向親征纂嚴設御幄

於太極殿皇帝加元服尚舎設席於太極殿中楹之間
太子加元服設御幄於太極殿納皇后有司展懸設按

陳車輿於太極殿廷如元日太子納妃臨軒醮戒設御

座於太極殿阼階之西向元正冬至受朝賀設御幄於

太極殿冊太子設御幄于太極殿

又太極殿受朝賀見元會類

通

典太極殿讀五時令冊命諸王大臣設御幄於太

極殿 五行志貞觀十七年四月丙戌立太子雌

雉集太極殿前太極三朝所會也 突厥傳武德元

年骨咄祿特勒來朝帝宴太極殿為奏九部樂引升御

坐 蘇頤傳玄宗平內難書詔填委獨頤在太極後閣

口所占授輕重無差 李德裕傳奉冊太極殿

唐延恩殿

見太極宮

唐仁壽殿

實錄高祖武德二年五月戊辰宴并州從五品以上於仁壽殿賜帛高宗儀鳳三年七月丁巳宴百僚於九成宮之咸亨殿

唐含章殿

實錄高祖武德三年四月壬戌秦王太宗并州復故地

帝太悅置酒含章殿宴羣臣賜御府繪綵 裴寂傳高祖與寂置酒含章殿 又武德初宴元勲於含章殿

隋裴肅見文帝於含章殿

唐翠華殿 文明殿

見御詩類 武德七年四月丙午宴王公親屬

唐內殿

實錄武德八年五月乙巳宴五品以上及外戚於內殿
貞觀二年十一月戊申宴五品已上於內殿帝曰韻利
奔竄天下無事豈不樂哉戊子宴突利可汗及羣臣於
殿庭賜帛開元二年十月庚辰宴新羅使于內殿二十
四年八月甲寅宴突騎施首領于內殿賜錦衣一副大

歷三年十二月丁巳五年六月辛丑六年正月己卯宴
宰臣節度使于內殿

唐百福殿

又見下

實錄武德九年三月丙申宴朝集使於百福殿

極六典太宜宮

秋門之右 晉洛陽
宮殿簿亦有是殿

奏九部樂貞觀六年正月甲戌宴

蠻夷及三品已上於百福殿永徽三年二月甲辰宴三

品於百福殿龍朔三年二月庚戌令皇子於百福殿慮

囚 趙弘智傳永徽中為陳王師講孝經百福殿宰相

學士皆在弘智舉五孝諸儒更詰辯隨問酬悉舌無留語高宗喜曰試為我陳經要對曰天子有爭臣七人願以此獻帝悅賜綃二百名馬一會要大中元年二月敕修百福殿院八十間

唐中華殿

即兩殿

會要武德九年四月二十三日甘露降于中華殿之桐木泣如冰雪以示羣臣 實錄貞觀二年十二月乙未宴突利可汗及三品以上於中華殿帝賦七言詩四年

二月己酉宴三品以上於中華殿 令狐德棻傳永徽
初高宗召宰臣弘文館學士坐中華殿問何修而王何
若而霸德棻曰王任德霸任刑

唐承乾殿

會要高祖令秦王居宮中

一作西宮

承乾殿

唐顯明德殿

太宗紀武德九年八月甲子即位于東宮顯德殿

甲戌宴羣臣于顯德殿前殿人習射于是殿

會要武德九年八月九日太宗即

位于東宮明德殿

即顯德殿中宗諱顯為太子時改曰明德

五行志貞觀

十七年四月丙戌立晉王為皇太子雄雉集東宮顯德

殿前武德六年三月己丑宴五品已上於昭德殿

賜帛

唐麗正殿 弘教殿

舊紀高宗貞觀二年六月十三日生於東宮之麗正殿

開元七年九月繼寫四庫書記之

集賢注記麗正殿在東宮正

殿宗教殿之北光天殿之南

徐浩為麗正殿校理

六典注

梁武帝於文德殿藏書北齊有文林館後周有麟趾殿學士皆掌著述隋於東都置觀文殿東西廂貯書云云 實錄高祖武德九年九月戊戌帝宴舊府佐及學士於弘教殿賜物有差 晉皇太子講孝經於崇正殿

唐乾元殿

又見明堂類

乾陽殿

政要貞觀四年發卒修洛陽之乾元殿張元素諫初武德四年高祖以殿太奢使屈突通焚之 會要洛陽宮顯慶元年敕司農少

卿田仁汪修乾元殿

洛陽正殿也

高一百二十尺東西三百

四十五尺南北一百七十六尺麟德二年三月十二日

舊紀辛未殿成垂拱四年二月十日以殿為明堂開元二十

七年九月十日於明堂舊址造乾元殿

十月毀明堂上層改下層為乾

殿元舊紀開元五年七月甲子詔改明堂為乾元殿通

天門為乾元門十年十月癸丑乾元殿復題為明堂

寶天

二年十二月東京應天門改為乾元門諸無量傳開元中詔無量等於

乾元殿整比四部書

詳見書目類

蘇定方傳降都曼俘獻

於乾陽殿會要顯慶五年正月定方亭于東都上御乾陽殿云云見兵徒類王勃上

乾元殿頌大壯摛文斯干韻雅道凝茅屋業盛嵩宮

隋曰乾陽唐曰乾元明堂後改含元梁曰朝元後唐曰

明堂晉曰宣德後復為明堂本朝興國三年改太極改

金鸞第六殿曰乾陽 貞觀十一年十一月丙午宴五

品已上及蕃夷於貞觀殿十八年十一月乙酉日南至

皇太子王公已下展賀於貞觀殿顯慶二年二月癸亥

宴貞觀殿

唐臨華殿

實錄貞觀四年十二月乙未誕皇太子宴三品已上於

臨華殿

唐丹霄殿

又見樓類

實錄貞觀六年二月戊辰辛九成宮戊寅宴三品已上
於九成宮丹霄殿賜從官帛四月癸卯醴泉出丹霄殿之西七月

辛未宴三品已上於丹霄殿閏八月乙卯宴近臣
於丹霄殿樓賜錢帛十八年五月甲戌召司徒長

孫無忌以下十餘人宴丹霄殿各賜膜皮 魏公諫錄
宴羣臣於丹霄殿命公園暴賜尚乘馬并金裝鞍轡勒
又坐丹霄門外之西堂引入宴丹霄殿謂羣官曰為政
之要務全其本宴丹霄門樓極歡

唐披香殿

蘇世長傳武德六年世長侍宴披香殿在慶善宮酒酣進曰
此煬帝作邪何彫麗若此高祖曰卿豈不知此殿我所
營乃詭云煬帝對曰臣但見傾宮鹿臺瑤琉璃之瓦非受

命聖人所為者陛下武功舊第纔底風雨時自以為足
帝咨重其言

唐戢武殿

實錄太宗與公卿謁太上皇於戢武殿置酒為歡乙夜
方散賜帛有差明日復置酒凌煙閣

唐兩儀殿

舊紀又夷狄傳貞觀八年三月甲戌高祖謙西突厥使者
泥孰來朝遣使於兩儀殿顧謂長孫無忌曰當今蠻夷率服古未

嘗有無忌上千萬歲壽高祖大悅以酒賜太宗太宗

奉觴上壽流涕而言曰百姓獲安四夷咸附皆奉遵

聖旨豈臣之力於是太宗與文德皇后互進御膳并

上服御衣物同家人常禮十一年正月壬辰宴五品

月乙巳宴五品已上於兩儀殿奏九部樂十六年十月庚子宴諸蕃使於兩儀殿賜帛十七年四月丙戌

太宗即兩儀殿建立晉王為皇太子己亥御兩儀殿皇太子侍戒以孝德十八年四月己酉御兩儀殿皇

太子侍側兩京記貞觀五年太宗破突厥於兩儀殿宴

突利可汗賦七言詩栢梁體御製絕域降附天下平

神通曰八表無事悅聖情無忌曰雲披霧歛天地明

玄齡曰登封日觀禪雲亭蕭瑀曰大常具禮方告成

諫錄云太上皇帝幸兩儀殿羣臣奉見

魏徵傳高昌平帝宴兩儀殿曰

高昌若不失德豈至於亡朕亦當自戒不以小人之

言議君子庶幾獲安也徵舉管仲桓公事長孫無

忌傳帝欲立晉王未決坐兩儀殿羣臣已罷獨留無

忌玄齡勸言東宮事遂定武平一傳中宗宴兩儀

殿令胡人唱合笙平一上書諫曰兩儀承慶殿者陞

下受朝聽訟之所比大饗羣臣不宜以倡優蝶狎景

龍

二年十一月辛巳宴羣臣于兩儀殿
十二月丙申宴堅昆使于兩儀殿

武攸緒傳中

宗即兩儀殿設位行問道禮

隱士

玄宗紀討韋氏亂

玄宗率總監羽林兵會兩儀殿 六典兩儀殿在太

極殿後常日聽朝視事蓋古之內朝隋曰中華殿貞

觀五年改

兩京記
亦云

長安志兩儀殿在太極宮太極

殿後 會要大和二年八月修兩儀及甘露殿共一

百七十二間

唐儀鸞殿

見洛陽宮及養老類

實錄太宗貞觀十一年三月三日戊子引五品已上大射于儀鳳殿十八年十一月壬午宴父老儀鸞

殿

唐觀德殿

唐射殿

見大射

會要貞觀十六年三月三日戊賜百僚大射于觀德

殿

太極宮曰西內其左武門之外有殿曰觀德

永徽三年三月三日

丙辰辛

觀德殿賜羣官大射永徽三年六月二十八日議明堂

制度上令于觀德殿前依五室九室兩議張設上觀之
舊紀貞觀十四年十二月丁酉侯君集執高昌王麴
智威獻捷于觀德殿行飲至之禮賜酺二日永徽三年
三月庚申幸觀德殿賜羣官大射 實錄總章元年十
月癸丑文武官獻食賀破高麗帝御玄武門之觀德殿
宴百官設九部樂賜帛 隋開皇二年十月庚寅享百
僚于觀德殿

唐齊政殿 芳蘭殿 天成殿 延福殿 至

德殿 壽昌殿

通鑑貞觀十三年七月庚戌詔李思摩為泥孰俟利苾

可汗上御齊政殿

在九成宮

錢之思摩奉觴上壽二十年十

二月庚辰回紇等酋長來朝賜宴芳蘭殿

詳見外

夷類二十

一年正月丙申御天成殿陳十部樂總章二年八月辛

亥御延福殿

在九成宮

召五品已上議巡守

一作議幸涼州

冊府

元龜貞觀二十二年正月乙未奏十部樂會四夷

君長於天成殿王公稱觴上壽賜帛有差

十八年
褚遂良

上疏曰臣於
芳春殿奏聞

實錄順宗永貞元年六月乙未召

翰林學士鄭絅衛次公王涯等入至德殿撰制詔

會要元和十年五月臨碧院使奏壽昌殿南獲白鹿
麐長慶元年七月壽昌殿內柱上產玉芝一莖長六尺

相思殿大饗

見外
庚類

唐武成殿

舊紀貞觀十五年五月壬申并州僧道老人請幸太原
上於武成殿賜宴相與道舊以為樂 貢半千傳高宗

御武成殿問半千曰兵家有三陣何謂邪半千曰星宿
孤虛天陣山川向背地陣偏伍彌縫人陣臣謂不然師
以義出沛若時雨得天之時為天陣足食約費且耕且
戰得地之利為地陣舉三軍之士如子弟從父兄得人
之和為人陣帝曰善 則天紀光宅元年二月甲子皇
帝率羣臣上尊號于武成殿 王方慶傳武后御武成
殿觀方慶十世從祖義之以下二十八人書偏示羣臣
詔崔融序其闕閱號寶章集復賜方慶 李元紘傳開

元中十五年為相五月五日丁丑宴武成殿賜羣臣龍裝衣特

十五

丁

丑

宴武成殿賜羣臣龍裝衣特

以紫服金魚賜元紘及蕭嵩會要開元十三年新造銅儀成命之曰水運渾天俯視圖置於武成殿前以示

百寮

詳見儀象類

實錄神龍元年四月己巳宴皇親及內

外親於武成殿

唐飛霜殿

實錄太宗貞觀二十年七月辛亥宴五品以上於飛霜殿絲竹遞奏羣臣上壽賜綾錦殿在玄武門北因地形

高敞層閣三成引水為潔渌池以滌炎暑 貞觀
四年三月戊辰宴三品以上於林光殿七月壬辰
宴羣臣於芳華殿賜帛 十六年二月壬寅帝謂侍臣
曰因覽劉聰傳將起鷁儀殿陳元達諫朕於藍田市木
將別為一殿取制兩儀仍建重閣遠想聰事遂止

唐瑤池殿

魏鄭公諫錄太宗嘗御瑤池殿顧謂侍臣曰西蕃通來

幾時

唐文思殿

房玄齡傳太宗命玄齡等撰文思博要一千三百卷

太子弘傳龍朔元年命賓客許敬宗等即文思殿集瑤山玉彩 隋有文思殿 梁改文思院為乾

文院

唐紫微殿

實錄貞觀二十二年十月己巳破龜茲帝聞之大悅宴五品以上於紫微殿謂羣臣曰四海寧一六合無塵帝

王之樂也二十三年正月壬子受俘紫微殿

初二十二年七月帝

遊幸敕奉御王孝積於顯道門內起紫微殿
十三間文甓重基高敞宏壯帝見之甚悅

襄邑王

神符傳太宗令乘小輿入紫微殿

唐嘉壽殿

賀魯傳貞觀二十二年賀魯內屬會討龜茲請先馳為

嚮導詔授崑丘道行軍總管

實錄四月乙亥

宴嘉壽殿厚賜予

鮮衣衣之

實錄云賜縉綵

隋有嘉則殿開皇十三年二月戊

子宴考使

唐舍涼殿

會要龍朔二年六月一日睿宗生於蓬萊宮舍涼殿

唐紫宸殿

紫宸內閣

受朝賀

見前

會要龍朔三年四月二十二日移仗就蓬萊宮二十五
日始御紫宸殿聽政百寮奉賀

殿在大明宮

開元十六年五

月六日唐昌公主出降有司進儀注紫宸殿行五禮右
補闕施敬本拾遺張烜右拾遺李銳等連名上疏曰紫
宸殿者漢之前殿周之路寢陛下所以負黼扆正黃屋

饗萬國朝諸侯人臣至敬之所猶玄極可見不可得而

升也上納其言移於光順門外設次行禮 實錄開元

十二年三月庚

午宴朝集使于紫宸殿

玄宗又嘗宴突厥使者於此肅

宗乾元元年二
成宴回紇使於

此月戊

二十八年四月庚辰有慈烏巢紫

宸殿之沴

舊紀

開成元年正月乙巳御紫宸殿宰臣

李石奏放京兆租稅五月乙卯御紫宸殿上謂宰臣曰

為政之道自古所難李石對曰朝廷法令行則易

又大和元

年三月御紫宸殿延英視事凡十一刻宰臣口陳大政
異日對翰林學士於思政殿對南北單使於麟德殿

通鑑寶歷元年十月上欲幸驪山溫湯拾遺張權輿
伏紫宸殿下叩頭諫云云 六典紫宸殿即內朝正殿
也 晉書記大明宮有紫宸殿在宣政殿北即內衙正
殿 貞觀五年正月詔諫官隨中書門下及京官入閣
官志起居郎舍人秉筆隨宰相入殿若仗在紫宸內閣
則夾香案分立殿下直第二螭首

張洎曰唐置
紫宸上閣

唐舍元殿 大明殿

會要大明宮龍朔三年四月二十二日移仗就蓬萊宮

新作舍元殿長安元年十二月一日改為大明殿神龍元年二月復為舍元 舊紀龍朔三年十月丙午舍元殿前麟趾見十二月庚子詔改來年為麟德開元九年四月甲戌上親策試應制舉人於舍元殿天寶八載閏六月丁卯上御舍元殿受冊大赦乾元元年正月庚寅大閱諸軍於舍元殿庭上御棲鸞閣觀之會要作
翔鸞閣二年正月己巳朔上御舍元殿受冊尊號廣德元年御舍元殿受冊永泰元年正月癸巳朔大赦改元實錄云御舍元殿 大

歷元年十一月甲子日長至上御含元殿下制大赦

改元貞元元年正月丁酉朔御含元殿受朝賀大赦

改元十九年正月癸丑朔

御舍元殿受南詔朝賀

二月丁亥修

含元殿元和元年正月丁卯御含元殿受朝賀禮畢

御丹鳳樓大赦改元十三年正月乙酉朔御含元殿

受朝賀御丹鳳樓大赦 紀開元二年九月宴京師

侍老子含元殿

十年正月乙巳御舍元殿宴羣臣賜帛十五年十一月庚子同十六年十

一月丙午亦如之

高麗傳總章元年滅高麗十二月帝坐

含元殿獻俘于庭 會要開元八年三月上親策試應制舉人於含元殿

又舊紀九年四月同永泰二年十一月三

日詔以十三日甲子冬至於含元殿受朝賀建中二

年正月朔御含元殿四方貢獻列為庭實會昌二年

四月中書門下言含元殿百官就列請宰相兩省官

俟扇開拜訖升殿從之 五行志貞元四年正月庚

戌朔德宗御含元殿受朝賀含元路寢大朝會之所

御也 李華傳作含元殿賦蕭穎士曰景福之上

靈光之下 后妃傳建中元年具冊上皇太后尊號帝
供張舍元殿具袞冕出自左序立東方羣臣在位帝再
拜奉冊 盧鈞傳宣宗元日大饗舍元殿鈞年八十升
降如儀音吐鴻暢舉朝咨歎 六典丹鳳門內正殿曰
舍元殿注元正冬至於此聽朝詳見大明宮 兩京紀舍元

殿左右有砌道盤上謂之龍尾道殿陞上高於平地四
十餘丈南去丹鳳門四百步 康駢劇談錄舍元殿左
右立栖鳳翔鸞二閣龍尾道出於閣前殿門去南門五

里元會來朝者仰瞻玉座如在霄漢 王仁裕曰舍元
殿前玉階三級 李華賦命般石之匠下荆揚之材山
祇效靈波神作氣為桴為筏羽豐鱗萃張為廣庭考正
極星刻盤岡以為趾大階積而三重四墉既列太階
如截其始也星鉢電交於萬堵霜鋸冰解於千尋重檐
切霞素壁留日崇高之制靈丘上盤隣斗極之光輝邇
天漢之波瀾捧帝坐於三辰銜天街之九達騫龍首而張
鳳翼左翔鸞而右棲鳳翹兩闕而為翼環阿閣以周

墀象龍行之曲直去雕幾與金玉紩漢京之文飾紫微
晨曨彤墀夜明雲薄萬栱風交四榮貯昭訓之崇崇
瞵光範之揭揭其南則丹鳳啟途陰陽睢盱容鴟七局方
駕五車望仙闢於吳維建福敞於坤隅其後則深闡秘
殿曼宇疎楹瑞木交陰玄墀砥平古有六寢御茲一人
今也三朝繇古是因布大命於宣政澹宸心於紫宸義
和弭節於通乾望舒停景於觀象左黃閣而右紫微命
伊皋以為長歌之頌之管磬宜之穆穆皇居壽考無期

唐舍光殿

會要總章元年十二月高麗平獻俘于舍光殿 舊紀

太和九年八月丁丑幸左軍龍首殿因幸黎園舍光殿

大合樂

唐宣政殿

會要高宗永隆二年正月十日以太子初立欲大會羣

臣命婦合宴宣政殿

在大明宮舍光殿後即正衙殿也

太常博士袁利

正上疏曰前殿正寢象闕路門非命婦宴會倡優進御

之所帝從之改向麟德殿 選舉志明皇即位厲精為

治張九齡上疏刺史縣令尤親於民者也願少重其選

於是下詔擇京官有善政者補刺史凡官不歷州縣不擬臺省已而悉集新除縣令宣政殿親臨問以治民之

策而擢其高第者開元四年郵城令韋濬為第一擢醴

泉令餘二百人不入第且令之官四十五人放歸學問

儀衛志百官入宣政門文班自東門入武

班自西門入 五行志開元二十八年四月庚辰慈烏

巢宣政殿拱辛巳又巢 韋縚傳初帝詔歲率公卿迎

氣東郊

開元二十五年詔親迎氣至三時嘗以孟月讀時令於正寢

二十六年詔縕月奏時令一篇朔旦於宣政殿側設榻

東向置案縕坐讀之諸司官長悉升殿坐聽歲餘罷

肅宗紀 乾元元年正月戊寅上皇天帝御宣政殿授皇

帝傳國受命寶符冊

二年九月丙寅誕日宴百官於宣政殿

舊紀

至德二載十二月甲子上皇御宣政殿授上傳國

璽三載正月戊寅上皇御宣政殿冊皇帝尊號乾

元二年九月丁亥上御宣政殿試文經邦國等四科

舉人建中元年十一月辛酉朔朝集使及貢士見於宣

政殿

又見朝會類

元和三年正月癸巳御宣政殿受徽號移

仗御丹鳳樓大赦三月乙巳御宣政殿試制科舉人元

和十四年七月己丑御宣政殿冊尊號丹鳳樓大赦寶
歷三年十二月乙巳文宗即位于宣政殿大和三年五

月乙酉滄州平稱賀於宣政殿開成元年正月辛丑朔

御宣政殿大赦改元 李晟傳德宗貞元三年引晟見

於宣政殿備冊禮拜太尉中書令 會要大曆十四年

五月臨軒冊尚父子儀於宣政殿元和十年三月壬申

朔御延英殿召對宰臣故事朔望日御宣政殿見羣臣

謂之大朝玄宗始以朔望陵寢薦食不聽政今之見宰

臣特以事召也長慶二年十二月御紫宸殿冊皇太子

故事冊太子御宣政殿時從便也

貞元二十一年四月
乙巳順宗御宣政殿

冊皇太子大中三年復河湟追尊順憲謚號至冊日上御宣

政殿受玉冊於太尉兩京記大明宮含元殿後有宣

政殿即正衙殿也朔望大冊拜則御之李華賦布大

政於宣政澹宸心於紫宸

唐同明殿

東都

薛訥傳突厥擾河北武后詔訥經畧對同明殿
傳太子還武后召澣宴同明殿曰朕母子如初卿有力
焉 六典同明殿在東都集賢殿東

唐金華殿

東都

陳子昂傳武后奇其才召見金華殿

唐含樞殿

東都

狄仁傑傳 武后時李楷固駱務整討契丹克之獻俘舍
樞殿后舉酒屬仁傑賞其知人

唐億歲殿

東都

崔神慶傳 武后時待制億歲殿 會要玄宗開元十五
年閏九月億歲殿生芝草

唐觀風殿

武后傳 徒上陽宮帝率百官詣觀風殿問起居 隋宇

文愷造觀風行殿

唐端扆殿

東都

會要神龍元年正月二十四日乙亥中宗即位於通天
宮端扆殿

唐承慶殿 甘露殿

舊紀中宗景龍二年七月癸亥御承慶殿慮囚徒肅宗
上元元年太上皇居西內甘露殿 實錄景雲二年九
月丁酉宴吐蕃使於承慶殿 會要大和二年八月修
兩儀殿及甘露殿共一百七十二間 景龍文館記中

宗令諸學士入甘露殿其北壁列書架架前有銀硯碧
鏤牙管銀函盛紙 六典百福殿之西曰承慶殿兩儀
殿之北曰甘露殿見太極宮 雨京記百福殿在太極宮中

公主院西承慶殿又在百福殿西

唐射殿

禮志射前一日大樂令設宮縣之樂鼓吹令設十二按
於射殿之庭

唐萬春殿 千秋殿

六典兩儀殿之東曰萬春殿西曰千秋殿

唐前殿

紀開元二年七月乙未焚錦繡珠玉于前殿
回紇傳葉護助破安慶緒肅宗坐前殿召葉護宴且勞之
姚崇傳玄宗尊遇崇每見便殿必為之興去輒臨軒以送
循吏傳刺史受命日對便殿賜衣物乃遣

唐金鑾殿

李白傳天寶中賀知章言之召見金鑾殿論當世事奏

頌一篇賜食親為調羹 衛次公傳貞元末與鄭絅皆
召金鑾殿建議立順宗 宦者傳劉正亮惡王叔文勸
順宗立廣陵王為太子監國召學士李程王涯等至金
鑾殿草制議者美其忠 陸扆傳天子金鑾作賦命學
士和庚先成 兩京記大明宮紫宸殿北曰蓬萊殿其
西曰還周殿還周西北曰金鑾殿長安殿在金鑾殿西
南蓬萊殿西龍首山支龍起平地上有殿名金鑾殿在蓬

菜正 西
微南

殿旁坡名金鑾坡

翰林故事

韋執誼

置學士院

後又置東學士院於金鑾坡

殿在學士院之左蓋近寢殿

續翰林

志簡

蘇易

唐制駕在大內則明福門內置學士院駕在興

慶宮則金明門內置院德宗移院於金鑾坡上

一本亦云德宗

召學士對浴堂門又移學士院於金鑾殿西對御起革賦詩

會要學士院在銀臺

門內又置東翰林院於金鑾殿西

德宗造院金鑾坡上即坡別建一院開元

之院原不廢恐續志誤謂之移五代會要殿因金鑾坡以為名與翰

林院相接六典大明宮有金鑾殿藝文志雜史類

韓偓金鑾密記五卷書目一卷李白詩著書獨在金

靈殿 拾遺記瀛洲南有金靈之觀中有寶几

唐躍龍殿

舊紀天寶十三載三月丙午御躍龍殿門張樂宴羣臣

唐長樂殿

紀至德二載十一月庚子作九廟神主告享於長樂殿

唐興慶殿

舊紀乾元元年二月乙巳上御興慶殿奉上皇徽號冊

唐浴堂殿

會要貞元十二年九月德宗謂裴延齡曰所居浴堂殿一棟將壓念易之未能也延齡請以本分錢治殿數十猶不乏况一棟哉又本傳

列傳李絳元和中浴

堂北廊奏對云云對浴堂殿帝曰比諫官多朋黨論奏

不實皆陷謗訕欲黜其尤者絳曰自古納諫昌拒諫

亡雖開納獎勵尚恐不至今乃欲譴呵之使直士杜

口非社稷之利也帝曰非卿言我不知諫之益

又李吉甫

譜鄭絪帝坐浴堂殿名學士絳語其故

李吉甫圖上河北險要所在

帝張於浴堂門 韋處厚長慶四年七月於浴堂

中諫遊獵及晏起賜銀綵

長安志文宗於浴堂

門對鄭注於浴堂殿對學士在大明宮蓬萊殿東

又別有
浴堂院

六典無此殿元稹承旨廳壁記曰乘輿奉

郊廟則承旨得乘廄馬自浴殿由內朝以從按內朝

者紫宸殿也疑在紫宸之東

殿在蓬萊殿東即
與紫宸殿相屬

稹

詩曰未勘銀臺契先排浴殿關 館本圖浴殿在

綾綺殿南

殿在蓬萊
東

唐學士多對浴堂殿李絳之極

論中官柳公權濡紙繼燭皆此地也

唐延和殿 元和殿

見甘露 見武元衡權德輿柳宗元表

唐中和殿 清思殿 宣和殿

敬宗紀 長慶四年二月丁未擊鞠于中和殿四月丙申
擊鞠于清思殿寶歷二年九月甲戌觀百戲于宣和殿

唐會昌殿

實錄文宗太和四年八月戊辰一云七月庚辰幸禁園會昌殿

觀新樂大宴樂五年正月乙巳幸會昌殿奏樂

唐咸泰殿

蕭后傳開成中正月望夜

四年正月
丁卯夜 帝御咸泰殿然燈

作樂迎三宮太后奉觴進壽

